

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第八十輯

沈雲龍主編

高郵王氏（念孫·引之）父子年譜

劉盼遂編

文海出版社  
有限公司印行

高郵王氏（念孫、引之）父子年譜

高郵王氏父子

年譜 林志鈞題

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>




[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





# 高郵王氏父子年譜

## 輯譜凡例四則

今之修譜者類多羸入譜主詩文多首實無異編年文集令讀者口耳悒慵甚所不取今惟將每年大事提要錄入其修學行己之方則別著石渠治學要語一卷附錄後方以免混淆

王氏父子詩文存者絕少故其事迹較難攷索又於當世絕寡交遊故同時人集中亦罕見先生之事今凡遇他人詩文之及先生者必詳爲收載亦物因罕而貴之意也

是編所引用之書若經義述聞讀書雜誌廣雅疏證經傳釋詞康熙字典攷証高郵王氏遺書昭代經師手簡初編二編等書皆人所習知故不復注明出處亦以避煩瀆也至當時他人著述之及於先生

父子者則必詳爲注明以原所自如朱笥河詩集苗氏說文建首字讀等籍是也

王氏父子之于小學藝林久尊爲不祧之祖凡所著作約近百種儻盡考核入譜勢必有指大于股之弊今別著高郵王氏父子著述攷一卷附于譜後弘達君子或無譏焉

先生姓王氏名念孫字懷祖號石臞又作石渠江蘇高郵州人也高祖開運州學生治尙書有聲曾祖式耜康熙戊午副榜貢生博通五經祖曾祿字西受號古堂先生雍正癸卯選拔貢生理學深湛學者從遊甚衆父安國字書城號春圃雍正甲辰殿試一甲二名進士官至吏部尙書諡文肅清史有傳妣徐夫人江西吉安府知府錢塘徐亨時女也

清高宗乾隆九年甲子一歲

三月十三日寅時先生生於高郵里第先是先生祖古堂先生年逾



七十望孫甚切豫爲之名曰念孫至是遂如遺命以名先生

先生生而清羸故自號石臞阮元肇經室再續集卷二皇清誥授中憲大夫直隸永定河道重晏鹿鳴欽賜四品銜晉封光祿大夫工部尙書加二級王公石臞墓志銘銘曰先生之貌如石之臞則先生之體格可知今傳世先生寫真面龐亦異常瘦削

楊鍾羲雪橋詩話餘集卷六云王石臞當時與錢竹汀盧抱經邵二雲劉端臨有五君子之目

是年惠棟四十八歲全祖望四十歲賈田祖三十一歲盧文弨二十八歲莊存與二十六歲江聲二十四歲王鳴盛二十三歲戴震二十二歲紀昀二十一歲王昶程瑤田二十歲錢大昕十七歲朱筠十六歲周廣業畢沅十五歲姚鼐朱珪十四歲余蕭客十三歲李惇十一歲錢塘段玉裁金榜十歲桂馥九歲孫志祖八歲任大椿丁杰章學誠七歲孔繼涵六歲崔述五歲邵晉涵二歲汪中錢坫錢大昭一歲

盼遂按每年繫同時學人之生卒用以志仰止乾嘉學術之盛而一時原流清濁之所處及風化芳臭氣澤之所及胥於此中貞知之矣  
乾隆十年乙丑二歲

夏文肅公遷禮部尙書時丁外艱不赴  
是年武億生李馥張照卒

乾隆十一年丙寅三歲

先生妣徐夫人卒文肅公服闋拜補授禮部尙書之命携先生入都時在襁褓之中已識二十餘字

乾隆十二年丁卯四歲

去年文肅公以通禮一書中多未協奏請更定至是奉命充大清會典館正總裁越十年書成文肅公授讀尙書百數十行能矢口成誦都下有神童之目

陳奐師友淵源記云先生四歲即口授爾雅

是年陳景雲卒

乾隆十三年戊辰五歲

文肅每早登朝家不舉火偕先生同輿往文肅入內堂餐市餅餌數枚予先生食輿中充飢而已以後數年皆然

是年尹會一卒

乾隆十四年己巳六歲

是年方苞卒

乾隆十五年庚午七歲

文肅公往陪京蔽獄携先生東行時偕往之某公夜作奏藁援據經傳恐有錯誤詢之先生時方熟睡應聲誦之一字無譌乃深加驚歎以爲異才旋返都

笥河詩集十三送王懷祖詩云昔我謁文肅輿中英物暫抱持出塞門解愛盤峰缺早知松栢根茯苓芽必中厥父典三禮子實精其說

是朱竹君之識先生固遠在髫髻時矣

是年李紱卒

乾隆十六年辛未八歲

能屬文學爲制藝操觚卽作全篇

是年劉台拱生

乾隆十七年壬申九歲

是年孔廣森生沈彤厲鶚卒

乾隆十八年癸酉十歲

誦畢十三經旁涉史鑑嘗擬作秦檜傳斷制森嚴章法完密文肅公益勗之以忠信示之以勿欺

是年孫星衍陳鱣朱彬生孫嘉淦卒

乾隆十九年甲戌十一歲

是年李賡芸張敦仁生陳祖范吳敬梓卒

乾隆二十年乙亥十二歲

夏文肅公遷吏部尙書

是年凌廷堪生張廷玉吳廷華馬曰瑄全祖望卒

乾隆二十一年丙子十三歲

文肅公兼管工部尙書事延戴君東原館于家命先生從受經戴君當代碩儒精于三禮六書九數聲音訓詁之學先生相從一年而稽古之學遂基于此矣先生嘗問東原曰弟子將何學而可東原沈思久之曰君之才竟無所不可也戴氏年譜云是時懷祖方受經其後終能得先生傳

是年黃叔琳卒

乾隆二十二年丁丑十四年

正月八日文肅公薨于京邸享年六十四先生哀毀過人旣而扶柩旋里從夏侍講嘯門受舉業爲文根柢深厚理法精熟老師宿儒不

能過也嘯門嘗評先生文曰生子當如孫仲謀其器重如此

是年惲敬郝懿行生

乾隆二十三年戊寅十五歲

是年徐養原姚文田生陳世倌汪由敦胡穉威惠棟卒

乾隆二十四年己卯十六歲

是年顧棟高汪紱卒

乾隆二十五年庚辰十七歲

是年盧蔭溥生盧字南石山東德州人伯申先生業師也

乾隆二十六年辛巳十八歲

應童子試州試第二高郵知州李公奇其才府院試皆第一學使劉公石庵歎賞先生之文以爲軼羣之彥既而曰文肅公有子矣夏公嘯門謂先生日子之年當室矣子雖宦家而儉樸過于貧士富貴家女諒非所宜城北吳君家教素謹其次女可聘也先生因委禽于吳

氏焉

是年張惠言江藩生陳宏謨卒

乾隆二十七年壬午十九歲

娶恭人吳氏同邑增生吳鉉次女也

是年嚴可均生江永卒

乾隆二十八年癸未二十歲

是年焦循嚴杰莫與儔黃丕烈生史貽直梁詩正卒

乾隆二十九年甲申二十一歲

九月長女生後適寶應增貢生朱聯奎據王子蘭觀其自養齋燼餘錄恭祝朱聚五姑丈暨姑母七十雙壽序推知

是後數年與李惇賈田祖晨夕過從三人皆善飲每酒酣田祖輒鉤析經疑間以歌詩往牒舊聞汎演旁出嘲噱風生戲而不虐

汪中述  
學賈田祖之銘又與寶應劉台拱興化任大椿歛程瑤田書札往還

講求古學詩宗六朝摹擬逼真經訓則發明权重康成究其闡奧大興翁覃溪方綱贈以楹帖云識過鉉錯兩徐而上學居後先二鄭之間蓋道其實也

撰護城橋祠田石梁墳田記

是年阮元張琦李富孫倪璨張問陶生金農秦憲田卒

乾隆三十年乙酉二十二歲

高宗巡幸江南先生以大臣子迎鑾獻頌冊詔賜舉人 按南巡盛典

典七十一褒賞門乾隆三十年二月十七日奉上諭原任吏部尙書

王安國之子生員王念孫著加恩賞給舉人一體會試欽此

是年洪頤煊舒位生鄭燮卒

乾隆三十一年丙戌二十三歲

春長子引之生入都會試 朱笥河王懷祖詩乙酉子賜舉計偕歲

丙戌任幼植主我子來晤姚蛻



得江氏古韵標準讀之始知顧氏所分十部猶有罅漏旋里後取三百五篇反覆尋繹始知江氏之書仍未盡善遂以己意重加編次分古音爲二十一部

盼遂按段若膺六書音均表創於丁亥成於庚寅較先生書晚數年而先生羞爲雷同後竟不出己作

附王伯申先生年譜

公諱引之字曼卿又字伯申薨後謚文簡母吳夫人

一歲 三月十一日寅時生于高郵里第吳夫人孕八月而免故公生而身小氣弱及服官時京中戲呼爲袖珍大人

是年彭兆蓀顧廣圻生程廷祚卒

乾隆三十二年丁亥二十四歲

今年由京南旋過河間東阿皆賦詩寫志又嘗赴江西安徽各地及隣邑漫游登山臨水動多佳什共得詩二十首合爲丁亥詩鈔一卷

是年臧庸吳德旋生

乾隆三十三年戊子二十五歲

是年李銳陳鴻壽許宗彥汪萊周中孚生齊召南卒

乾隆三十四年己丑二十六歲

春入都會試不第

在都時恒進謁朱竹君之門與談六書精義

冬與李素伯文藻遇于京師囑李爲購毛刻北宋本說文解字適書

賈老韋有之高其直先生時下第囊空稱貸而買之曰歸而發明字

學欲作書四種以配亭林顧氏音學五書也南澗文集卷上送馮魚

山說文記

李格非病先生偕友人爲延醫市葭具調治數日竟不起據閱著年

譜補

是年李申耆生沈德潛諸錦邵齊燾卒

乾隆三十五年庚寅二十七歲

附 五歲從師讀即能篤志于學

是年洪震煊康紹鏞丁履恒生

乾隆三十六年辛卯二十八歲

入都會試禮部不第朱笥河送王懷祖詩云春試丑連卯屢深門外  
轍共子持酒樽識字譚孔訥許君堂室與表位施綿葛

是年陳壽祺黃承吉生徐大椿姚範卒

乾隆三十七年壬辰二十九歲

會試不第與劉台拱定交于京師出都避禍天長旋于冬杪赴安徽  
太平府從朱筠于安徽學政任朱笥河送王懷祖詩云我南子留北  
辰春罷去竭其年在太平冬杪子我愒李威朱先生從遊記云笥河  
先生在江南廣延知名士居幕下高郵王懷祖深明六書七音之旨  
旁通訓詁攷據一時賢士談古學皆弗及也時避禍天長跋涉來見

先生敬禮之時從問字質疑未嘗以前輩自居爲飛書當路護持其家盼遂按先生于乾隆五十五年與劉端臨書云舍間冗俗叢勝家難紛起不可一日居然則今年殆亦由家門之讐而避居天長歟與汪中定交 杞縣侯氏藏汪容甫與劉端臨書墨蹟云高郵王懷祖篤好經術尤精于小學爲中去年所得之友與足下而爲七人玩其全書作于乾隆三十八年也

洪北江年譜乾隆辛卯年云入學使署又與邵進士晉涵高孝廉文照王孝廉念孫章孝廉學誠吳秀才蘭庭交最密由是識解益進是年方東樹生沈廷芳錢維城卒

乾隆三十八年癸巳三十歲

正月十八日爲朱筠校正小徐本說文刻之洪北江文集書朱學士逸事一則記在安徽刻說文事云司校刊之役者爲王念孫如洪說則序亦爲先生作益明

又代朱筠撰重刻說文解字序 余有考詳所著高郵王氏父子著述

考中從朱筠逸覽江干山水極文酒之盛朱笥河送王懷祖詩云開  
陬遊橫雲罔脊白龍龍華陽真逸隱龍蟻穴泉冽更觀互浮沈燭讀  
永昌碣還登府子城遊蹤指曲折下有萬竿竹亂壓小山雪我方敘  
說文資子口存舌辨體音必兼影響窮蚊蚋聲五色亦五北鷄和南  
驚要令江南士通經字爲揭

歸里夏復來朱筠學署爲校唐開元禮十一月校大戴禮中曾子十  
篇汪中大戴記正誤內曾子立事等十篇備載念孫案懷祖曰多條  
天圓篇尾有題識云乾隆昭陽大荒落辜月大興朱筠高郵王念孫  
江都汪中校于安徽學政署中隨朱筠入都下楊朱氏椒花吟舫朱  
笥河送王懷祖詩云春試子暫歸夏息我逃熱子又渡江來兩個軒  
坐設我承四庫令網書廣張罟大集異等生館倚青山官傳抄千萬  
本唐禮子精閱晚暇入竹根削笋觸蠶纒時交目飛鴻戲奕取其拙

數當風月清握手步高埒相晤七柏老古影千年逝江山六朝州他  
時此億絕煥寒幾何時我冬使節撤諸生送江邊忽與采石別子待  
我邗溝蜀岡梅蕾裂覆孟城船角載子朔風柁齊東覲正號趙北冰  
已渴近臘稅穀下下榻子之媠掃滌椒花庭除啟碧桐闌

盼遂按椒花吟舫乃笥河之書屋時在日南坊李鏡拐斜街街南肇  
慶會館之西

是年吳榮光嚴元照洪飴孫端木國瑚追鶴壽生杭世駿劉統勳裘  
日修卒

乾隆三十九年甲午三十一歲

在都館朱氏椒花吟舫以半載之力成說文考異二卷 朱笥河送  
王懷祖詩云我甘歸識字理董仗子哲子言許氏書形意事契筭假  
借古說精諧聲流弊劣川居即中州山增或大喇依聲心有羞托事

禮 按疑體字之誤 司徹古今諧借殊始背終隔隴又有轉注一考老

訓互綴要之形聲訓六書密而管父子許義昭兄弟徐音滅陽冰好  
大乘次立校徒列李燾韵譜五一亥部遭蠶然死唐前灰伐餘漢初  
藥其間小學家注疏一一掇法當收散失非一手足烈書成曰攷異  
計功竊稷嶺我既奇子言鱗爪先漏泄半載卒二卷大樹蠹敲驚我  
亦時一鳴砌隙應蜻蛉飄飄玉堂夢送子風雨颺閣校雖要賢名山  
業恐輟 盼遂按詩末四語蓋謂先生因春試而遂閣去說文攷異  
之作也

陪朱筠遊西山筍河詩集十二卷九月十三日約王懷祖史文量陳  
梅岑何數峰及姪玉川爲西山之遊云涼風吹孳孳萬片落何忍天  
香在其中落華悲又積獨我閉門觀妙理閱無盡西山翠峨峨邀客  
發連軫載者雙玉人蓬鬢泣雪鬢吾家亦有駒駿足挂軸鞞曰宜縱  
之遊相索氣淒緊山中客素衣涕輟領遙引我更王生俱先後出郊  
吟此遊信清絕秋意刻肝腎寒流經蘆溝日色淡嶼嶙土囊一折去

翠嶂排巒鬢吾徒亦何嗜塵想暫泯泯入夜山月空心曠無一竅擁  
衾茅舍間寒映斷或聞又歸自山中柬同遊諸子王懷祖一首云北  
越河淮載子車名山連榻又叩驢伏崖變色談三市縫洞捫痕憶六  
書此處十年當不悔中宵一甕且休虛渾河炬上燒峰焰招隱靈仙  
或告予自注十四日夜千佛閣前神燈見無算

乾隆四十年乙未三十二歲

試禮部中式殿試賜二甲七名進士出身改翰林院庶吉士大興朱  
笥河學士筠風格嚴峻後進謁之不答獨躬往詣先生曰是當代通  
儒正士也

夏自朱宅移居西城香爐營同曹學閔招朱筠集法源寺避暑笥河  
詩集乙未年有題慕堂太僕懷祖吉士招集法源寺避暑次魚門韵  
一首云秋後捫碑約上房先尋熟寺臥僧牀共言青石懋題字又勝  
黃花蘭若香狂有醒時聊樂飲遊無熱客即追涼年年日日能來往



老死何須羨伯陽

中冬乞假旋里朱筠有詩贈行朱笥河註  
西香爐巷暨躡遲子三日見英華自愁  
良友知我遐臨岐心惓惓我有白玉瓊  
心醉口啜亦嘗采黃山嘉蔬取名齧何啻  
嗜飲食不如子書牕乃知五味成在瓊

嘗有一

詠留書成我則悅我之思子來成

字百遺子諸師路塞茅絕學誰探窹在禮  
豈曰宜君子氣母茶今冬徂明秋兩丸  
且誓雖傷亦聚歡勿忘在執筆勗哉大甘  
冬在揚州有爲汪雪疆跋武梁石室畫象  
跋文以極爲棋之誤迨辛亥年汪氏以書  
采先生說而沒其名先生後于漢隸拾遺

附 十歲從觀察公受童蒙須知朱子小學呂氏小兒語諸書即  
能仿而行之於日用之間

是年梁章鉅沈欽韓包世臣鄧廷楨凌曙徐同柏俞正燮生

乾隆四十一年丙申三十三歲

自是以後四年皆獨居于祠畔之湖濱精舍以著述至事窮搜冥討  
謝絕人事

春至郡城汪中爲先生言程易疇之學甚精

文集與汪孟慈書

盼遂按先生畢世精粹之作厥惟廣雅疏證一書

先生亦自以廣雅

疏證爲一生結穴之作讀集中諸文可見也

由古音以得經義陰陽

開闔不可端倪實則其根柢植此數年之中膏渥故光煜積厚故流  
長矣近上虞羅氏振玉得先生叢稿盈箱內計詩經楚辭義經韻譜

七本周秦諸子韻譜

散片釘成一本淮南韻譜

散片釘成一本楚辭

韻譜

散片釘成三本

文選韻譜

散片釘成二本

易林韻譜

散片釘成

九本詩經羣經楚辭合韻譜 三本逸周書戰國策合韻譜 一本兩漢  
合韻譜淮南說苑太玄等 三本兩漢合韻譜素問易林等 三本兩漢  
合韻譜史漢 二本兩漢合韻譜楚辭 一本兩漢合韻譜文選 二本兩  
漢合韻譜易林 五本諧聲表 二本爾雅分韻 二本方言廣雅小爾雅  
分韻 一本雅詁表 散片釘成 一本古音義雜記 散片釘成 一本古  
音索隱 散片疊韻轉語 散片釘成 一本釋大七篇 二本雅音釋 一本  
提封八十册此外尙有羣經字類六書正俗說文考正讀說文札記  
方言校正等書當皆此數年中所條理儲待以備爲他日之摛經義  
攷小學之利器斯可以四辟六達動搭合度取精用弘左右逢原而  
無勦說附會之弊矣然則以上諸書即謂爲廣雅疏證之長編殆無  
不可若夫讀書雜志經義述聞諸作斯亦賈廣雅疏證之餘勇要之  
大端既立則觸類旁通矣

賈田祖詩題云丙申冬懷祖注說文

是年宋翔鳳胡承珙臧禮堂劉逢祿生

乾隆四十二年丁酉三十四歲

汪容甫先生遺詩附錄引證賈稻孫詩集丁酉春日病中留江都汪容甫暨李孝臣王石曜聚飲翼日容甫北行爲詩以別兼柬孝臣石曜一首有石曜又放湖干篷之句賈氏自注將之石渠

新會陳氏藏吳山帶畫梅卷內有盧抱經跋云乾隆四十二年恭甫携來都門索同人題記後有先生題七古一首見文集編補然則先生於今年復有京門之行歟

是年賈田祖秦大士戴震卒

乾隆四十三年戊戌三十五歲

次子敬之生

據元配吳恭人行略推

敬之字寬甫官縣令年七十九

卒著有三十六湖漁唱三卷漁唱稿一卷宜略識字齋雜著九卷

是年陶澍錢侗許桂林唐鑑生余蕭客羅有高卒

乾隆四十四年己亥三十六歲

仍居湖濱精舍校正方言後携至京師與戴本對勘則所見多同其小異者一二事耳

汪中于正月二十一日與劉台拱書云李成裕客彭侍郎幕中王懷祖竟無出山之志二人俱衰病侵尋日多鬱抑

乾隆四十五年庚子三十七歲

入都供職翰林院抱經堂文集卷二十與王懷祖念孫庶常論校正大戴記書自注云庚子年

九月程瑤田疾作于京寓將就吉安裴鶴峯診視而不易得次日先生過程廡謂之曰信哉裴君良醫也今日當過余盍就見之程遂同先生回廡乞裴君察脈裴君曰無病也先生之脈異也

通藝錄修辭

餘鈔異脈記

始得段氏六書音均表文集中與江晉三書云及服官後始得亡友

段君六書音均表見其分支脂之爲三眞諄爲二尤侯爲二皆與鄙見若合符節唯入聲之分配及分配平上去與念孫多有不合云云盼遂按段氏六書音均表之成在乾隆四十二年丁酉石臞初入翰林時尙不及見則所謂服官自應指庚子入都銷假言也先師靜安徵君跋王氏古韵譜後謂石渠於乙未年見段氏書殆所未安

先生賃居京邸屏絕人事鍵戶日手一編探蹟索隱觀其會通有以語言文字求者雖至易亦不輕應蓋不欲以文人傳並不欲以經師學人傳也

是年劉大櫚朱仕琇卒

乾隆四十六年辛丑三十八歲

上元日先生與翁正三盧抱經程魚門周林汲丁小疋陳竹庵劉端臨同觀桂氏新著續三十五舉于詩境軒而翁氏題記于卷尾

補行散館試題爲日處君而盈度賦同考者皆昧於所出先生依晉

書衛恒傳敷叙考一等五名

任工部都水司主事爲導河議上下篇上篇導河北流下篇建倉通運也任勅纂河源紀略纂修官別撰辨謬一門凡六卷今河源記略卷二十之二十五是也

三月二十六日孔廣森來書論詩經用韵

是年劉開周濟徐松生朱均卒

乾隆四十七年壬寅三十九歲

充四庫全書館篆隸校對官見四庫全書總目提要前職名

附 十七歲補博士弟子員

是年胡培翬馬瑞辰生童鈺卒

乾隆四十八年癸卯四十歲

冬因四庫事記過二次

附 十八歲入都因入國子監

是年苗夔生孔繼涵黃景仁卒

乾隆四十九年甲辰四十一歲

春因庫事記過十二次夏記過十四次友人高陽王重民編纂四庫全書始末記云當日四庫修書官員有記過至三千餘次者三四百過者爲最平常即此亦足見先生之能靖共爾位矣

補虞衡司主事

是年王筠包世榮生彭啓豐鄭虎文程晉芳蔣士銓李惇卒

乾隆五十年乙巳四十二歲

擢營繕司員外郎奉旨記名御史

次子敬之解吟詠七歲作夜合花詩云知道主人愛明月不教密影上窗紗兄伯申見而異之謂將來必以詩名

王壽同叔父六十生辰

徵詩啓

是年程恩澤林則徐陳沆姚鼐



乾隆五十一年丙午四十三歲

擢製造庫郎中

附 二十一歲旋里因從事小學諸書日夕研求

是年陳奂汪喜孫孔廣森卒

乾隆五十二年丁未四十四歲

住粉坊琉璃街孫星衍致書先生送還一切經音義羅氏誤以爲與伯申書收入昭代經師手簡二集失之

夏秋間作輜軒使者絕代語釋別國方言疏證補一卷而中止

奉旨從工部侍郎德曉峰往勘浙江海塘工道出高郵與吳恭人相見數語而去不及家事恭人壯之

八月始作廣雅疏證期以十年爲之

盼遂按廣雅一書出于曹魏遠不如爾疋說文方言之精先生初亦有意從事於三書故先作說文攷異或名說文攷正而當時段若膺